



Odbor za društvene djelatnosti

Broj: 04-GV-04-1007/22

Sarajevo, 14.06.2022. godine

ZAPISNIK O RADU
18. SJEDNICE ODBORA ZA DRUŠTVENE DJELATNOSTI
GRADSKOG VIJEĆA GRADA SARAJEVA
ODRŽANE 14.06.2022. GODINE

Prisutni:

1. Amra Zulfikarpašić, predsjedavajuća
2. Mirza Memišević, zamjenik predsjedavajuće
3. Bajro Biber, član
4. Samir Fazlić, član
5. Alma Čengić, članica
6. Elvedin Korora, član
7. Alma Jašarević, članica

Sjednici iz Stručne službe Gradskog vijeća Grada Sarajeva prisustvuju:

- Mila Eminović Rizvanović, sekretar Gradskog vijeća
- Mirjana Đanović Stanić, rukovodilac Stručne službe za poslove Gradskog vijeća

Sjednici prisustvuju:

- Nedžad Fazlija, ispred Gradske službe za obrazovanje, kulturu, sport i mlade
- Mahira Mujan, ispred Gradske službe za obrazovanje, kulturu, sport i mlade

U skladu sa zaključkom sa 16. sjednice Odbora za društvene djelatnosti sjednici Odbora prisustvuje gradski vijećnik Ratko Orozović.

Predsjedavajuća Odbora je u 11.09 sati otvorila sjednicu, pozdravila prisutne i utvrdila kvorum za rad i odlučivanje.

Sjednica je započela razmatranjem i jednoglasnim usvajanjem Zapisnika o radu 17. sjednice Odbora za društvene djelatnosti održane 24.05.2022. godine.

Na prijedlog Predsjedavajuće, jednoglasno je usvojen sljedeći **dnevni red**:

1. Prijedlog Odluke o dopuni Kalendara obilježavanja datuma i događaja značajnih za Grad Sarajevo
2. Izvještaj o realizaciji Programa manifestacije obilježavanja 6. aprila – Dana grada Sarajeva u 2022. godini
3. Tekuća pitanja



TAČKA 1.

Prijedlog Odluke o dopuni Kalendara obilježavanja datuma i događaja značajnih za Grad Sarajevo

Na prijedlog Predsjedavajuće, Odbor za društvene djelatnosti je jednoglasno usvojio sljedeći **zaključak**:

Odbor za društvene djelatnosti sugeriše Gradskom vijeću Grada Sarajeva da razmatra Prijedlog Odluke o dopuni Kalendara obilježavanja datuma i događaja značajnih za Grad Sarajevo kako je predložena.

TAČKA 2.

Izvještaj o realizaciji Programa manifestacije obilježavanja 6. aprila – Dana grada Sarajeva u 2022. godini

Uvodno izlaganje dao je Nedžad Fazlija, ispred Gradske službe za obrazovanje, kulturu, sport i mlade.

Mirza Memišević, zamjenik Predsjedavajuće Odbora je sugerisao da se u narednim izvještajima utrošena sredstva tabelarno prikažu.

Amra Zulfikarpašić, Predsjedavajuća Odbora je u sklopu diskusije skrenula pažnju da niko ispred gradske administracije nije ove godine došao na Šestoaprilski salon, najveću likovnu izložbu koja se realizira u sklopu obilježavanja Dana grada Sarajeva.

Isto tako, problematizirala je i smanjenje iznosa u budžetu Grada Sarajeva koji se dodjeljuje za ovu manifestaciju, sa tendencijom da se svake godine iznos smanjuje.

Samir Fazlić, član Odbora je konstatovao da je ranija praksa bila da se u okviru svih manifestacija u povodu obilježavanja Dana grada Sarajeva, pojavljivao neko ispred Grada Sarajeva, te se prisustvo funkcionera i predstavnika Grada Sarajeva navodilo u izvještajima.

Alma Jašarević, članica Odbora je u 11.22 sati napustila sjednicu radi ranije preuzetih obaveza.

Nakon uvodnog izlaganja i diskusije, na prijedlog Predsjedavajuće, Odbor za društvene djelatnosti jednoglasno je usvojio sljedeće **zaključke**:

1. Odbor za društvene djelatnosti sugeriše Gradskom vijeću Grada Sarajeva da razmatra *Izvještaj o realizaciji Programa manifestacije obilježavanja 6. aprila – Dana grada Sarajeva u 2022. godini* kako je predložen.
2. Odbor za društvene djelatnosti sugeriše da ubuduće na svim manifestacijama koje se organizuju u sklopu obilježavanja Dana grada Sarajeva bude prisutan predstavnik Grada Sarajeva, a naročito Gradonačelnik i Predsjedavajući Gradskog vijeća, a što je bila ranija praksa.

TAČKA 3.

Tekuća pitanja

U skladu sa zaključkom sa 16. sjednice Odbora za društvene djelatnosti, gradski vijećnik Ratko Orozović je iznova elaborirao svoju inicijativu o tome da Grad Sarajevo utvrdi novu nagradu „Valter brani Sarajevo - Hajrudin Šiba Krvavac“ kao nagradu svjetskog karaktera za oblast umjetnosti, te da se dodjeljuje simbolično 9. maja kada se obilježava Dan pobjede nad fašizmom.

Bajro Biber, član Odbora je u 11.45 sati napustio sjednicu radi ranije preuzetih obaveza.

Nakon rasprave te sažetka predsjedavajuće, Odbor za društvene djelatnosti je jednoglasno usvojio sljedeći **zaključak**:

Odbor za društvene djelatnosti podržava zaključak Kolegija Gradskog vijeća Grada Sarajeva broj: 01-02-GV-711-1/22 od 18.04.2022. godine i inicijativu gradskog vijećnika Ratka Orozovića, da se utvrdi nova nagrada Grada Sarajeva, na način kako je obrazložio gradski vijećnik Ratko Orozović, te traži da se ista dalje uputi u proceduru prema Gradonačelnici – Savjetu Gradonačelnice za kulturu i dalje prema nadležnoj službi, a za potrebe izmjene i dopune gradskog propisa kojim će se zvanično utvrditi ova nagrada, na način kako je predloženo.

PREDSJEDAVALJUĆA ODBORA

Amra Zulfikarpašić, s.r.

Predsjedavajuća Odbora je u 11.50 sati zaključila rad 18. sjednice Odbora za društvene djelatnosti Gradskog vijeća Grada Sarajeva.